



## Aningaasanut Nunanullu Allanut Naalakkersuisoq

**Aningaasaqarnermut Ataatsimiititaliap suliaq nr. 01.31.06/07-00282 pillugu ulloq 5. oktober 2007-imi aalajangiinera pillugu Naalakkersuisunut ilisimatitsineq.**  
(Naalakkersuisut ulloq 13. september 2007-imi aalajangiineranni imm. 2d)

### **Ingerlatsinermit kontomit sanaartornermut kontomut aningaasanik nuussinissamik qinnuteqaat**

Naalakkersuisut **inassutigaaat**,

- kontomi pingaarnermi 62.04.05-imi, Piareersarfinnut tunngasumi, aningaasaliissutit - 1.000.000 kr.-inik ikilisinneqassasut.
- Kontomi pingaarnermi 84.40.15-imi, Ilinniartunut inissianik sanaartornermut tunngasumi, suliaq 170.52.035-mut aningaasaliissutit 1.000.000 kr.-inik amerlisinneqassasut.

### **Aningaasaqarnermut Ataatsimiititaliap oqaaseqaatai**

Qaanaami Piareersarfinnut ininik atuartsiffissanik pilersitsinissamat 1 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaaat. Missingersuutit immikkoortitsinermit nunap immikkoortuani pissutsit immikkut ittuunerat sanaartormiluunniit nalinginnaasumik pissutsit isiginiarneqarsimangillat.

Konto pingaarneq 62.04.05, Piareersarfinnut tunngasoq, aqutigalugu aningaasalersuinissaq Naalakkersuisut siunnersuutigaaat. Immikkoortumi ilinniartitsinermit atortussiornermik suliarinnittussanik piukkunnaatilinnik nassaartoqarsinnaasimangimmat kontomi pingaarnermi aningaasanik atunngitsuugaqartoqartoq oqaatigineqarpoq.

Nuussinissalli tamatumani Aningaasaqarnermut Ataatsimiititaliamit akuersissutigineqartinnagu apeqqutit makku akineqarnissaat ataatsimiititaliamit kissaatigineqarpoq:

1. Qaanaami Piareersarfik pillugu qanoq pilersarusiortoqarsimava pilersaarutillu taakku qanoq annertutigisumik ilanngunneqarsimappat/piviusunngortinneqarsimappat?
2. Piareersarfinnik nuna tamakkerlugu annertusaaneq sumut killippa?
3. Piareersarfiit annertusarnerannut aningaasat qanoq amerlatigisut ulloq manna atornerqarsimappat?
4. Piareersarfiit annertusarnerannut ukioq 2007-ip sinneranut kiisalu 2008-imut qanoq missingersuuteqartoqarpat?
5. 2007-ip ukiua tamaat eqqarsaatigalugu immikkoortumi pineqartumi atuinissamat Naalersuisut qanoq naatsorsuutigisaqarpat?
6. Piareersarfiit ataasiakkaat aningaasalersorneqarnerat kommunit ataasiakkaat namminersorerullutillu Oqartussat akornanni aveqatigiissutigisaraat kontomut pingaarnermut 62.04.05-imut missingersuutit ilanngussami allassimavoq. Aammalu allassimalluni suliaq aningaasartuutinillu agguataarineq kommunit Namminersorerullutillu akornanni kiffartuussinissamik isumaqatigiissuteqarnikkut aalajangersarneqartoq. Tamanna tunngavigalugu makku paasissutissiissutigineqassasut kissaatigineqarpoq:

- a. Piareersarfiit ingerlanneqarnissaat pillugit kommunit tamarmik kiffartuussinissamik isumaqatigiissuteqarfigineqarsimappat?
- b. Kiffartuussinissamik isumaqatigiissutigineqartut 2007-imi aningaasanut inatsimmi aammalu 2008-mi aningaasanut inatsisissatut siunnersuummi aningaasartuutissanik annertussusiliinikkut qanoq annertutigisumik takussutissinneqarpap?

Kiisalu Suliffeqarnermut Inuussutissarsiutinullu Ilinniartitaanermit Pisortaqarfimmi kukkusoqarsimasoq Aningaasaqarnermut Ataatsimiititaliap maluginiarpaa, Qaanaamimi Piareersarfimmi ininik atuartitsivissamik pilersitsineq sanaartornermut kontomut pinnagu ingerlatsinermit kontomut kukkusumik inissinneqarsimammat. Suliaq taanna iluarsineqaqqullugu aningaasartuutit nuunneqarnissaat pissasoq ataatsimiititaliamit naatsorsuutigineqarpoq. Tamatuma saniatigut immikkoortumi aningaasaqarnermik aqutsinerup siunissami pitsanngortinneqarnissaanut piaartumik qulakkeerinnittunik immikkoortumut Naalackersuisoq suliniuteqassasoq ataatsimiititaliap naatsorsuutigaa.

### **Aningaasaqarnermut Ataatsimiititaliap aalajangiinera**

Apeqqutinut oqaaseqaatinullu suliani allassimasunut Naalackersuisut akissuteqarnissaasa utaqqineqarnissaa siunertaralugu Naalackersuisut inassuteqaataannik isummerfiginninnissani Aningaasaqarnermut Ataatsimiititaliap **kinguartippaa**. Naalackersuisut akissuteqaataata kalaallisut danskisullu kiisalu qarasaasiakkut nuutinera ullaq suliffiit qaangiutsinnagit uunga nassinneqarnissaa naatsorsuutigineqarpoq: [nch@gh.gl](mailto:nch@gh.gl).

Inussiarnersumik inuulluaqqusillunga

Ruth Heilmann

Aningaasaqarnermut Ataatsimititaliami siulittaasuugallartoq